

EFESO BATII

Kukū Ko Di Paulo Lakpana Aata Ni Efeso Batii

¹ Ami, Paulo wɔ nintɔbakple ni Kristo Yesu tɔkyɛntɛ diefe ni di Yaa dibiesaa suoto, nikɔkpana kukū ko mmle nkyesee aye ba ninle ni Yaa bafūbanutɛ ba bɛɛbla ni klekle di Efeso kasɔ suoto, bɛɛbla ni onwii ku Yesu Kristo, biɔkyɔɔ nwɔ ni ɔlaa atoko. ² Teete Yaa ku Saate loo Yesu Kristo bale ye sibuale, baata ye atoko ɔkye ole.

Yaa Lekusɛkusesa Batii Ba Niɛbla Ni Onwii Ku Yesu Kristo.

³ Bita bupe Yaa wɔ ninle ni Saate loo Yesu Kristo Ote sɛfa. Ta mmle okle butɔɔbla ni onwii ku Kristo oso, eefe ni di Ninwuna nwu nkpo suoto εεyɔ asaa biene ya amuu niekye ni osi εɛta wo ni dikusɛkuse. ⁴ Fiɛ bia di Yaa kamabla ni kayi yi, atoodiki wo eese lete kofokofoko ale, bubabla onwii ku Kristo, ale buale batii klekle ku batii ba di kalalaa kukanwii dilaatika wo ni di suoto di anu nɔɔ. ⁵ Ta di Yaa mbɔmbɔ wo ni oso,aabla disibu nɔɔ kofokofoko ale, diefe ni di Yesu Kristo suoto yi, ababla wo babi nɔɔ. Nle mmle niate diale nwɔ disi tikasaa ku otu dibiesaa ne.

⁶ Ta nkpo oso, bita butansa Yaa di sifutule kplɛ se mmle eele wo ni, diefe ni di Obi nɔɔ bɔmbɔtɛ nwu suoto. ⁷ Diekye diefe ni di Kristo kukpi nwu nkpo suoto, ni buɔwɛ didiki, buɔwɛ sikpile ɔyɔ ɔkye ne. Yaa sifutule se eele wo ni lemuɔ lo! ⁸ Yaa sifutule se mmle nnaa kase. Diefe ni niinumbe nɔɔ ku mmle aye ni lɛsaa biala oso. ⁹ Yaa labla

disi tikasaa nɔɔ, εετε wo buotofo disibu nɔɔ le niewofa nii, εετε ale ababla ni, diefe ni di Kristo suoto. ¹⁰ Disibu nwu nkpo nimale ale, nse obe nwu lewo, Yaa kamasiisa asaa ya amuu ninkpe ni di osi ku kasɔ, an-yo nya ankpee di Kristo kalo.

¹¹ Yaa niebla asaa ya mmle amuu diisibu nɔɔ kanya, ale awo ku Kristo buabla ni onwii oso. Ni eediki wo ale buale nwɔ babi diisibu le aabla aate ni bia kaaso kakyekɔ ne. ¹² Ta nle mmle oso, bita awo ba ninle ni batii kasale ba niewe ni osuku onyu di Kristo kame, butansa lɛkpa nɔɔ! ¹³ Aye kafɔɔ biɛbakple Yaa babi di obe wɔ bianu ni nwaako ɔlaa nwu nkpo, dile ni ɔlaa biene nwu nkpo niɛwako ye ni didiki. Ta biefū Kristo bienu ni oso, ni di Yaa լeyɔ Ninwuna Klekle nɔɔ le aabue aate ale abata wo ni εετε ye nsū ne. ¹⁴ Ninwuna nwu nkpo nin-yε wo kamaa ale, bubafū lɛsaa le di Yaa lebue εετε ale abata ni batii nɔɔ. Nle mmle kafɔɔ kotuo wo ale Yaa kamata batii ba ninle nwɔ ni bale didiki nwu nkpo nimu. Ta nkpo oso bita butansa lɛkpa nɔɔ nwu nkpo!

Paulo Lapε Өlaa Kuukū Ko Mmle Bafūntε Suoto.

¹⁵ Ta nle mmle oso, diayɔ ni di obe wɔ lanu ale biefū Saate Yesu bienu ni ku mmle okle mimbɔmbɔ ni batii ba niefū Yaa beenu nii, ¹⁶ nindie Yaa sefa ɔpe diisi lee. Nnyuma ye kafɔɔ nse kɔpε ɔlaa nta Yaa. ¹⁷ Kɔkaalε kafɔɔ Saate loo Yesu Kristo Yaa, otii wɔ ninle ni lɛkpa nimuu saate nle, aata ye Ninwuna le nimabla ye ni banumbente, ale aadiki Yaa nwu antuo ye, ale biatofo otii wɔ ale nii.

¹⁸ Kotikiti nwɔ lekoto nlɛ aatikiti ye anu ale bianya lekpa le nfū εελεε ye εεwako ni, ale biatofo osuku onyu wɔ oso εελεε ye nii, ku mmle okle di diikusekuse le eebue εετε ale abata ni batii nɔɔ lefū ni kɔya, ¹⁹ ku mmle okle di osie kple nɔɔ kɔbla ni ɔkpɛ di awo ba niefū buonu ni kame osie kanya. Osie wɔ mmle nikɔbla ni ɔkpɛ kaamɛ loo nkaate ku osie kple ²⁰ wɔ aayɔ aasenkesa Kristo aakyeko ni bakpi kame, εετɔɔ asi ni di oletaneɛkye nɔɔ di osi. ²¹ Kristo nsi ninfa oole sɛka di osi basiente suoto, siitumi ku anwuna siene ku baka bamuu suoto. Leyooto nɔɔ kafɔɔ nlenke sɛka nlekɔ mmuu kaasɔ ka mmle suoto ku nka nimawa ni kame. ²² Yaa leyɔ lesaa biala eekpe di Kristo nkpa kalɔ, ni εεyɔ nwɔ εεbla bafūbanute Saate di asaa amuu suoto ne. ²³ Bafūbanute ba mmle ninle Kristo suoto sina se nieta ale eewo ni nimu. Nnwɔɔ kafɔɔ ninle otii wɔ ninsi ni di asaa amuu kame ne.

2

Yaa Leta Ale Buɔwe Nkpa Diefe Ni Di Kristo Suoto.

¹ Saa yi, biakpi niinwuna kame ta setokopī ku sikpile lee oso. ² Diekye di obe nwu kame yi, biatikanko kayi ka mmle sisuku kpile, biakyɔɔ kafɔɔ situmi se nikole ni sɛka di kɔfεεfɔ kame ɔka atoko. Nnwɔɔ ninle ninwuna le nikɔbla ni ɔkpɛ di batii ba niesi nunua ale blɔkyɔɔ ni Yaa atoko kame ne. ³ Nwaako bamuu loo nkpo buate fɛ mma ne. Buasiε nkpa di suoto sina loo akɔnsɔkleesaa suoto, buabla asaa ya di suoto sina loo ku disibu loo lamiɛ nii. Di obe wɔ di nkpa loo letembi ditakyi ni ku batii ba ninsi ni

nkpa be mmle nwu okle oso yi, nse diesieko ale Yaa kananfi awo kafco kootoko fe batii bule fie.
⁴ Kafco obe wɔ di Yaa nyaami onya mpc ni oso, di ləbəmbɔ nɔc le akpe εεta wo ni kafco lemuɔ ni oso yi,⁵ obe wɔ buaakpi ni niinwuna kame ta setokopī loo oso, eekplesa wo εewako nkpa kame ku Kristo. Yaa sibuale oso buɔwε didiki le mmle.
⁶ Di onwii loo ɔbla ku Kristo Yesu, Yaa lesenkesa wo eekyeko bakpi kame ale, bualeko nwɔ sekə di osi.
⁷ Yaa labla nle mmle ale ɔɔyɔ antuo batii ba babalofo ni kaayi kamaa ale, sibuale se eele wo ni nnaa kaloo di ləbəmbɔ le eediki eetuo wo ni di Kristo Yesu kame.

⁸ Diekye Yaa niele wo sibuale eediki wo diefe ni di ofū onu kame. Diele awo bamu niεbla lesalesaa, kafco Yaa lεkyesaa dile.
⁹ Nkpo okle kafco ninanle awo bamu ɔkpε ɔbla kuonwii ne. Nkpo oso, kuonwii dilaafuo ɔkanta.
¹⁰ Yaa omu niεbla wo ku nnεε nɔc diefe ni di Yesu Kristo suoto ale, buabla onwii ku nnwɔc ale buabla sekpe biene se eelolaa εεte wo ale buabla ni ninkpa be mmle kame.

Kristo Lεyɔ Batii Ba Bamuu Niefū Nwɔ Beenu Ni εεbla Batii Banwii.

¹¹ Binyuma bile, diele Yuda batii nielofo ye. Yuda batii nwu niebudi ni asɔkɔsɔkɔ ntufa ye ale, kale ka batii ninambudi ni asɔkɔsɔkɔ. Kafco lesɔkɔsɔkɔ obudi ɔsaabla wɔ mmle yi, suoto sina lesaa ko dile. Batii ko nin-yɔ nnεε lema mambla.
¹² Binyuma bile di obe nwu nkpo kame, minko Kristo ntεε lakyo, bafco kafco biale biata Yuda kale batii. Bitasiε di ɔlaa wɔ di Yaa labue aate ni batii nɔc ku kanya ka aanii ni ku mma kame. Biasiε kaayi ka mmle kame di osuku onyu

kuonwii ditawε ye diata ni ləsaləsaa, Yaa kafɔɔ ditawε ye. ¹³ Kafɔɔ nunua, aye ba niawε ni fanfa di Kristo Yesu nfū, ta kukpi ko aakpi ni diisi lee oso, bitookpukuti bietεεtεε nwɔ.

¹⁴ Diekye Kristo omu ntɔɔwako wo atoko ɔkyε ole di obe wɔ atɔɔyɔ Yuda batii ku mba ninanle ni Yuda batii εεbla ni batii banwii. Aayɔ suoto nɔɔ sina aadiki kalɔ ka niasie ma ni nintεε fe oyiyie. ¹⁵ Eediki Yuda batii kufiofa ku ɔsaabla lema nwu nkpo ale, aasiisa nnle nnyɔ batii ba mmle nwu nkpo ambla ma kale fɔle batii banwii, diefe ni di suoto nɔɔ, ale atoko ɔkyε ole kasie ma nintεε. ¹⁶ Kristo kukpi di kowoso suoto niɛkpanaa kalɔ ka niasie ni di nnle nnyɔ nwu nkpo ntεε, eelolaa ma εεbla ma onwii eekplesa ma εewako Yaa nfū. ¹⁷ Nioso di Kristo lawa abayie atoko ɔkyε ole ɔlaa biene nwu nkpo lεkya aata aye ba niawε ni fanfanfa di Yaa nfū ku awo ba niatεεtεε nwɔ ni ne. ¹⁸ Dife ni di Kristo suoto ni di akyuu loo nwu nkpo anyɔ, dile ni Yuda batii ku mba ninanle ni Yuda batii, buɔwε Ninwuna Klekle ninwii nwu nkpo lεkpaa wo diɛwako Teete anu ne.

¹⁹ Nkpo oso aye ba ninanle ni Yuda batii yi, biesinle bafɔɔ, ee osuku bakyεntε ba nikɔwaale manfe nii. Kafɔɔ nunua yi, minko Yaa batii yi, bitookple kale kanwii batii, ku Yaa kafaabi. ²⁰ Aye kafɔɔ beetofo ye beetika di ləsɔse le suoto di batɔkyεntε nwu nkpo ku Yaa ɔlaa babuetεtε letofo nii, ni di Kristo Yesu omu nle leyokɔ kleetε ne. ²¹ Nnwɔɔ ninle otii wɔ niemufū leyo nwu nkpo beetofo bεεkyasa ni akle ne. Ni εεta ni diɛbamuwɔ diekple Olekatakɔ klekle diɛta Saate

nε. ²² Di obe wɔ biɛbla ni onwii ku Kristo oso, ni bεεyɔ ye kafɔɔ beetofo leyo nwu nkpo ku batii bule bamuu ale buakple nfū di Yaa kafe ni Niinwuna nɔɔ suoto ansie nii.

3

*Paulo Layɔ ɔlaa Biene Nwu Nkpo Aakyenku
Batii Ba Ninanle Ni Yuda Batii.*

¹ Nle mmle oso di ami Paulo, bεεte mi leeyo ta Kristo Yesu oso, di aye ba ninanle ni Yuda batii disi, kɔρε ɔlaa nta Yaa. ² Lefū lenu nle, bitoonu mmle okle di Yaa lele mi ni sibuale εεyɔ ɔkpe wɔ mmle eekpee mi di nnεε kame ale mbla ni kaame lee. ³ Fε mmle okle di obe wɔ nintɔbafe ni lakpana kukū kakui lakyesee ye nii, Yaa ladiki disibu nɔɔ le εεbla eewofasa ni eetuo mi. ⁴ Nse bibaka kukū ko mmle, bibanya mmle okle lenu owofalaa wɔ ninsi ni di Kristo kame kasɔ. ⁵ Di obe wɔ nintɔbafe ni kame batatɔkɔ otii kuonwii owofalaa wɔ mmle. Kafɔɔ nunua, Yaa lefe di Niinwuna nɔɔ suoto eediki eetuo batɔkyente nɔɔ klekle ku ɔlaa babuetete nɔɔ. ⁶ Owofalaa nwu ninle ale diefe ni di ɔlaa biene nwu nkpo suoto, batii ba ninanle ni Yuda batii ntɔbakple Yaa asaa balete ku Yuda batii. Nfε bale suoto sina nwu nkpo sinwii kakyε kawo nε, mma kafɔɔ babawε kalekɔ di ɔlaa wɔ di Yaa labue aate ni batii nɔɔ, diefe ni di Kristo Yesu suoto.

⁷ Yaa lafe di nnwɔɔ omu nɔɔ osie suoto eele mi sibuale, εεtεε lεkyesaa nɔɔ nwu εεta ale lεbakple ɔlaa biene nwu nkpo kpemblate. ⁸ Ami ninle ɔnyεntεle di Yaa bafūbanute bamuu kame, kafɔɔ Yaa lεyɔ lεkyesaa le mmle εεtεε ale kayie lεkya di lεsaawε kplε le ninsi ni di Kristo kame nta batii

ba ninanle ni Yuda batii. ⁹ Yaa niekpee mi ale kata batii bamuu ntofo disibu noo le eewofasa ni kaamee noo diseyo ni kaasee kakyeko. Nnwoo ninile otii woo niexbla ni lesaa biala ne. ¹⁰ Disibu coo niale ale diefe ni baafubanute kame yi, situmi se simuu ku basiente ba ninkpe ni di osi katofo Yaa ninumbe kple le niefe ni siisuku ate ate suoto. ¹¹ Nle mmle niale disibu le ninnaa ni kaloo di Yaa omu labla aate ni bia kasoo kakyeko ne. Ninfe eeeta disibu le mmle lewa kaanya diefe ni di Saate loo Yesu Kristo kame ne. ¹² Di obe woo buobla ni onwii ku Kristo, buofu nwoo buonu ni oso, nfe bukpe sekambi munkye Yaa nfuu ku otu okpee ne. ¹³ Nkpo oso kotikiti ye lekoto nle, bitanta nnese lafee ye ta diobuo mi ni diisi lee oso, diekye dibawako ye dibu.

Nnya Mmle Okle Di Kristo Mbombô Wo Ni.

¹⁴ Nle mmle oso, lese akunkyi kopee əlaa nta Teete ne. ¹⁵ Nnwoo kame di lesaa biala le ninkpe ni di osi ku kasoo ka mmle suoto lefuu leyooto di letembi ni ni kanya ne. ¹⁶ Kopee əlaa ntikiti Yaa lekoto nle, ata Ninwuna noo dita ye osie noo woo ninsi ni leeklekle noo kame diyii ye situ kame po. ¹⁷ Kopee əlaa nta Kristo kafcoo nle, aadiki ye kasiye di situ lee kame. Leeboombo lee kafcoo dise sidu osie kanya fe mmle koowoso nse ni sidu, ¹⁸ ale aye ku Yaa bafubanute bamuu katofo mmle okle di Kristo lebombo leblefe ni ku mmle dietaka ni katoo ku mmle diekaana ni ku mmle diekyofo ni. ¹⁹ Yaa ata ye bitofo Kristo lebombo kple nwu nkpo nieta kaatoo dilenke ni otii lesenue, ale Yaa letembi nwu nkpo kayii ye kame po.

Paulo Latansa Yaa.

²⁰ Bitansa Yaa wɔ niεyɔ osie nɔɔ ɔɔbla ni ɔkpɛ kaamee loo. Aafuo wo lesaa biala ɔbla ɔta anlenkeesa bia mmle munkaalɛ nii, ee bia nle munoonyu osuku buta nii. ²¹ Bitansa nwɔ di bafūbanute kame diefe ni di Kristo Yesu suoto ku nnle mmuu anu, dieyɔ ni nunua, diesifi ni dinnaa ni kaloo. Diwa kaanya.

4

Bafūbanute Onwii ɔbla Di Kristo Suoto.

¹ Nkpo oso ami wɔ nikɔbla ni Saate ɔkpɛ nte ni leeyo, kɔka ye nle biasie nkpa be niesieko ni leles le di Yaa leles ye ale biasie nii. ² Biwakosa suoto kass obe lele, biɛbla buɛ, biɛtɛ otu kaaso. Biediki lebɔmbɔ lee bituo di bawo ofū kame. ³ Di obe wɔ di Yaa Ninwuna nwu ntɔɔbla ye ni onwii oso, bikpee okyiini biesieko bawo di atoko ɔkye ole kame. ⁴ Suoto sina sinwii ku Ninwuna ninwii ninkpe, fe mmle okle di Yaa leles wo εeta ni osuku onyu onwii di leles nwu nkpo εelies wo ni kame. ⁵ Saate onwii ku ofū onu onwii ninkpe wo, Yaa ntu okpeesa onwii kafɔɔ ninkpe. ⁶ Yaa onwii ninkpe ale ni batii bamuu Kote, nnwɔɔ ninle asaa amuu Saate, ɔɔbla ɔkpɛ anfenko di bamuu loo suoto, asi kafɔɔ baamuu loo kame.

⁷ Kristo Yesu lefe di sifutule nɔɔ nwu nkpo kame εeta obiala loo letasaa. ⁸ Nkpo oso di Kɔkpana Klekle Kukū lebuɛ ale,

“Di obe wɔ aataka aasifi ni osi,
aakpaa batii ba aakpɛ aafū ni aasifiko.
Ni aayɔ atasaa aata batii nɛ.”

⁹ Ni nse kɔkpana nwu nkpo kotuo ale aataka aasifi osi, ni diotuo ale lɛkasale, aalekatū aasoo

aawa kasø ka mmle suoto. ¹⁰ Nioso otii wø niasoo aawa ni kasø ka mmle yi, nnwøo nwu niataka aasifi osi fanfa ne, ale aawaale lessaa biala, anfø kasiø di lessaa biala kame. ¹¹ Nnwøo niayø atasaa aata batii, ni aadiki batii bawo ale baale batøkyente ne, bawo kaføo ale baale ølaa babuetete, bawo kaføo ale baale Yaa ølaa bakyayiente, bawo kaføo ale baale bafübanute banyunte ku asaa batuote. ¹² Aabla nle mmle aayø aalolaa Yaa batii bamuu anta Yaa økpe øbla, ale aayø anta Kristo suoto sina nwu nkpo kaføo mmuo, dile ni bafübanute nwu. ¹³ Yaa niebla nle mmle ale bamuu loo mumakple onwii di lessaa le buofø buonu ni kame, mumatofo Yaa Obi nwu nkpo nwaa, mumamuø munkple banøøfo munkyeøkyø ku Kristo di nkpa nøø letembi kanya.

¹⁴ Ni buløbasinte fe babiso di asaatuo føle lele kofeeøfe matøøfe wo kuntoofenko ni katoo ku kala, di balaate basaatuote nkle bøøkyønkyø batii mankpee ni di osuku lalaale kame ta disibu kpile lema oso. ¹⁵ Kaføo nse buobue nwaako ølaa nwu nkpo di lebøombø kame yi, ni bubamuø munte fe Kristo wø ninle wo ni disi di osuku biala suoto. ¹⁶ Nnwøo nieta ale suoto sina nwu nkpo kakye biala nka baawo ne. Ni di suoto sina nwu nkpo kaføo simuu nka di leba le bøøtøø ale aakaa ni ne. Nkpo oso nse suoto sina nwu nkpo kakye biala lebla økpe nøø nwaa fe mmle okle diesieko nii, ni suoto sina nwu nkpo simuu mmuo sinwe osie di lebøombø kame.

*Batii Ba Niebla Ni Onwii Ku Kristo Nkpa Lem
Mbla Nføle.*

¹⁷ Nkpo oso køka ye di Saate leyooto kame nle bitansinsie nkpa fe batii ba ninanye ni Yaa,

diisibu lëma nte ni foee. ¹⁸ Lësənu lëma lëwɔfɔ. Di obe wɔ mananye ni lësalësaa, boloomie kafɔɔ ale bakycɔ ni lësalësaa kotoko oso yi, banaa kalekɔ kukanwii di nkpa be di Yaa lëta ni batii nɔɔ kamɛ. ¹⁹ Siinunso ninankpɛ ma ni oso yi, suoto sina akɔnsɔkleesaa nkpaamaa mantikanko, asaakuu ate ate kρɔnɔnfɔɔ mambla, asaa nwu nkpo ɔbla ntoole ma kamɛ fɛɛ.

²⁰ Aye yi, diele asaa nwu nkpo okle bietekete biekyeko Kristo suoto! ²¹ N-ye nle bianu nwɔ suoto ɔlaa. Fɛ batikankotε nɔɔ kafɔɔ, baatuo ye nwaako ɔlaa wɔ ninsi ni di Yesu nwu nkpo kamɛ. ²² Nkpo oso bidie nkpa kofole lee be biasie ni, mbe niata biasie nkpa fɛ mmle diakaateɛko ye nii. Nkpa kofole nwu nkpo batɔwɔɔsa mi ku akɔnsɔkleesaa ninya. ²³ Bita disibu ku letembi lee dibla lɛfɔle. ²⁴ Biɛyɔ nkpa fôle be bɛɛbla ni di Yaa letembi kanya bikpee. Nkpa be nikodiki suoto nintuo ale nwaako dite ni tinini leeklekle kamɛ.

²⁵ Nunua yi, selaa kuafunu nsinnaa. Otii biala atɔkɔ owo nɔɔ ɔlaa wɔ ninte ni nkpo. Diekye bamuu loo yi, suoto sina aba ate ate bule buka di Kristo suoto. ²⁶ Nse ɔblɔ lefiɛ ye yi, bitanta ɔblɔ nwu nkpo lakpaa ye kuakpee di okpile kamɛ. Bitanta kale kafɔɔ laloo di ɔblɔ nwu nkpo suoto. ²⁷ Bitanta Abonsam nwu nkpo osuku. ²⁸ Otii wɔ nin-yu ni yi, adie oyu. Aayɔ nnɛɛ nɔɔ abla ɔkpɛ biene ale nnwɔɔ kafɔɔ aawɛ lessaa an-yɔ ankyakaako bapiite.

²⁹ Bitanta selaa kρɔnɔnfɔɔ kusinwii ladie siakyɛ kanya lee kamɛ. Nse bibakakate yi, biebuɛ selaa se nimakpee ni otii osie fɛ mmle

diesieko ni. Ni batii ba nimanu ye ni selaa nwu nkpo mawε dikusekuse. ³⁰ Bitambla lesaa le nimakpee ni Yaa Ninwuna Klekle sənyaami. Diekye nni bεeyo bεete ye nsū ale, Yaa kamadiki ye di dii yεntεle nwu nkpo suoto ne. ³¹ Bitasinta akɔɔ latɔɔyεε ye kaafutu kame. Bitasinta batii selaa latotofo ye siitu kame, biedie seblɔ ɔnyia. Bidie kalɔ ku batii ayooto ɔlalaasa, biedie kafɔɔ asibu kpile amuu ɔbla baawo suoto. ³² Di assaa ya mmle nwu nkpo ɔbla kanya yi, bieta bawo lee selaa sitoonu ye kafutu, biebla sifutule bitɔɔta bawo. Bieyo sikpile bitɔɔkyε bawo fe mmle okle di Yaa lεyɔ seleye εεkyε ye ni di Kristo kame.

5

Bisiε Nkpa Di Lεkpa Nwu Nkpo Kame.

¹ Di obe wɔ bile ni Yaa babi ba ambɔmbɔ ni oso yi, dikpe ni biekpee okyiini biete fe nnwɔɔ. ² Bita lebɔmbɔ didiki suoto kayi dituo di nkpa lee kame, fe mmle okle di Kristo mbɔmbɔ wo ni, aayɔ nkpa nɔɔ aata ni diisi loo, fe oleɔta wɔ nikɔre ni ɔkɔnɔ, kuobuo ni Yaa anu.

³ Di obe wɔ nfε bile ni Yaa babi oso yi, diekaate ale baakple manlee lesɔnɔkpee ku assaa kpɔnɔnfɔɔ ɔbla ku onumbεbeε ɔlaa kuonwii bia kaamε lee. ⁴ Nkpo okle kafɔɔ ninankaate ale biabue selaa se nimatofo ni kootoko ne. Diekye selaa kpile ku sibulaa ninankye ni di osuku kanya sile. Minaabue ni selaa se mmle nwu nkpo oso yi, bita kataansa selaa sitoodie ye kaanya kame sitɔɔta Yaa. ⁵ Diekye biye nle mmle nwu nkpo biete bile, basɔnɔkpeetε ku batii ba nimbla

ni asaa kpɔnɔnfɔ̄o ku banumbεbεεtε, kuonwii lεma nnaa kalekɔ̄ di Kristo ku Yaa sekə kalekɔ̄ kame. Nwaako, onumbεbεε nkaate ku afiɔ̄ ɔtɔ̄.

⁶ Bitanta otii kuonwii layɔ̄ obuulaa kuonwii aakyɔ̄nkyɔ̄ ye. Diekye asaa ya mmle nwu nkpo okle oso di Yaa ɔblo kamawa di batii ba ninkpe ni setokopī suoto ne. ⁷ Nkpo oso bitambla onwii ku batii ba mmle nwu nkpo kuonwii lεma.

⁸ Diekye saa yi, ditunu kame biasie. Kafɔ̄ nunua bitookple ni Saate bale oso yi, nfe bisi di lekpa nwu nkpo kame. Nkpo oso dikpe nii nfe minsie nkpa fε batii ba ninsi ni leekpa nwu nkpo kame. ⁹ Diekye batii ba ninsi ni leekpa nwu nkpo kame yi, nkpa biene be niefū kɔya lete mansie. ɔlaa wɔ̄ ninte ni nkpo lete mambue, mansie nkpa be kafɔ̄o ninte ni tinini. ¹⁰ Bikpee okyiini bietekete lesaa le nimbuo ni Saate anu. ¹¹ Bitan-yɔ̄ suoto biakpee di ɔsaabla wɔ̄ ninanfū ni kɔya, baatii mbla ni diitunu kame. Kafɔ̄o bidiki ɔsaaba nwu nkpo kayi. ¹² Diebla onunsɔlaa ale baakakate bia di asaa ya mambla ni di lewofa kame. ¹³ Nse beediki lesaa biala kayi bεewako lekpa kame yi, ni mannya ni letembi klekle ne. ¹⁴ Diekye lesaa le beediki bεewako ni kayi mbuo leekpa kame. Nkpo oso beebeue ale,

“Afɔ̄ wɔ̄ nikɔkyɔ̄sii ni senke,

faataka fadie baakpi kame,

ni Kristo lekpa kamakpete fɔ̄ di suoto.”

¹⁵ Nkpo oso bilolaa binyu nwaa mmle okle bisi ni nkpa. Bitansie nkpa fεle batii ba ninanye ni lesalesaa, kafɔ̄o bisie nkpa fε batii ba ninye ni lesaa. ¹⁶ Biblako osuku onyu wɔ̄ nintoobuo ye ninnεε kame ɔkpε nunua wɔ̄ mmle nwaa.

Diekye ayi kpile ninle obe wɔ mmle kame busi ni ne. ¹⁷ Nkpo oso bitambla asaa fɛle batii ba niebuu nii, kafɔɔ bikpee okyini biewolaa lesaa le di Saate nwu nkpo komie ale bibla ni. ¹⁸ Bitanyi nta be nimataye minsie nii, diekye ninta otii mbla asaakuu. Kafɔɔ bita Yaa Ninwuna diyii ye kame pɔ. ¹⁹ Biyɔ Kɔkpana Klekle Kukū kame sinu selaa ku sinu ku Ninwuna kame selaa bikakate bita bawo. Bieyɔ katansa sinu ku sinu mɛnɛfele bitansa Saate nwu nkpo siitu lee kame. ²⁰ Bipɛ Teete Yaa sɛfa obe lele di lesaa biala kame, di Saate loo Yesu Kristo leyooto kame.

Mmle Okle Di ɔsa Ku ɔsɔfɔ Kasie Ni Fe Bafūbanute.

²¹ Biwakosa suoto kasɔ bita bawo, ta diibu le bikpe bieta ni Kristo oso.

²² Basante, biwakosa suoto kasɔ bita basa lee fe mmle okle minwakosa suoto kasɔ minta ni Saate loo. ²³ Diekye sante yi, ɔsa ninle nwɔ disi fe mmle okle di Kristo nle ni bafūbanute disi. Nkpo oso di Kristo layɔ suoto nɔɔ aata ole di bafūbanute disi ninle ni dikite ne. ²⁴ Nioso fe mmle okle di bafūbanute lewakosa suoto kasɔ bɛeta ni Kristo leesaa biala kame, nkpo okle kafɔɔ dikpe ni basante lewakosa suoto kasɔ bɛeta basa lema leesaa biala kame ne.

²⁵ Basuɔtɔ, aye kafɔɔ bibɔmbɔ basɔfɔ lee fe mmle okle di Kristo mbɔmbɔ ni bafūbanute aayɔ nkpa nɔɔ aata ni ole diisi lema. ²⁶ Aabla nle mmle ale ɔɔyɔ ankleklesa bafūbanute nwu nkpo suoto anta Yaa, di obe wɔ kame aakpeesa ma ni olaa nɔɔ fe ntu. ²⁷ Aabla nle mmle ale aalolaa bafūbanute nwu nkpo anta suoto ku sekpeele ale

diku kuninwii dilaatika ma di suoto, ee lefəfətī ee kalalaa kukanwii dilaatika ma di suoto, ee kasɔ ɔwa dilaawε ma ale baate klekle.

²⁸ Nkpo okle dikpe nii basuɔtɔ ləbəmbɔ basɔfɔ lema fe mmle okle mambəmbɔ ni suoto sina lema ne. Nioso osuɔtɔ wɔ nimbɔmbɔ ni ɔsɔfɔ yi, suoto coɔ simu cɔbɔmbɔ. ²⁹ Diekye otii kuonwii ninkyidi nnwɔcɔ omu coɔ suoto sina, kafɔɔ anta sī sinle, anlolaa sī annyu nwaa, fe mmle okle di Kristo mbla ni bafūbanute nɔɔ dikudi nwu nkpo. ³⁰ Diekye awo ninle nwɔ suoto sina aba aba ne.

³¹ Kɔkpana Klekle Kukū lebue ale, “Nle mmle oso, osuɔtɔ madie di ote ku ɔya suoto an-sifi manko ɔsɔfɔ coɔ manaabla onwii, banyɔ lema mankple suoto sina sinwii.” ³² Owofalaakple ninle nwɔ mmle, kafɔɔ kobue nwu n-yɔ nkaatɛesako di Kristo ku bafūbanute dikudi nwu nkpo suoto. ³³ Olaa wɔ kɔtɛ mbue ni ninle ale, dikpe nii, otii biala ləbəmbɔ ɔsɔfɔ fe nnwɔcɔ omu nɔɔ suoto. ɔsankɔ biala kafɔɔ lenyu ale εεyɔ dibu εεta ɔsa coɔ.

6

Mmle Okle Dikpe Ni Babi Ku Balofote Lema Lesie Ni Nkpa.

¹ Babissɔ, bibu balofotε lee di Kristo osuku kanya, diekye nle mmle ninle lesaa biene le dikpe ni ale biɛbla ni ne. ² “Bu teefɔ ku yaafɔ,” ninle kufiofa kasale ko beebue olaa beetikasa ko ni ale, ³ “Asaa amuu kamale anta fɔ, fabasiɛ nkpa kaanale kaasɔ ka mmle suoto.”

⁴ Babibate, bitambla asaa ya nimakpee ni babi lee səblo. Kafɔɔ bienyu ma nwaa, binanfi ma di Yaa osuku suoto, biɛka ma kafɔɔ.

Balanle Basieko Basaate Lema Di Osuku Biene Suoto.

⁵ Balanle, biyɔ dibu ku լeyɛke bikyɔɔ basaate lee atoko kaasɔ ka mmle suoto, dieekye di situ lee kame fɛ mmle okle minkyɔɔ ni Kristo ɔlaa atoko. ⁶ Bibla nle mmle, diele ale baye boonyu ye ni, biomie bile biabuo ma ni anu oso. Kafɔɔ fɛ le Kristo balanle yi, bibla ləsaa le di Yaa komie ni bikyeko situ lee kame. ⁷ Bibla sɛkpɛ lee ku situ biene fɛ balanle. Biɛbla sī fɛle Saate nwu biɔbla minta, kafɔɔ diele batii fukuti. ⁸ Binyuma bile Saate nwu mata otii biala koto di ɔkpɛ biene wɔ εεbla suoto, ale ɔlanle woo, aale ɔlanle.

⁹ Basaate, aye kafɔɔ bibla laakpanwu bita balanle lee, biedie ma լeyɛke kafɔɔ okpee. Diekye binyuma bile aye ku balanle lee, Saate onwii ninkpe ye di osi, anannyu batii di anu aakanko nii.

Biyɔ Yaa Ninwuna Kame Akpəsaa Amuu Bikpee.

¹⁰ Leyentèle, babiloo, biwɛ osie di Saate nwu ku osie kple nɔɔ nwu kame. ¹¹ Biyɔ Yaa akpəsaa ya amuu εɛta ye ni bikpee, mmle okle bibafuo oyila mintii ni Abonsam kakycɔnkyɔ sisuku nɔɔ simuu. ¹² Diekye diele batii buɔkpɛko. Kafɔɔ ninwuna kame basiente ku ninwuna kame banyayilate ku kayi ka mmle ditunu kame banyayilate ku asaa kpile ɔbla anwuna ya ninkpe ni kɔɔfɛɛfɔ kame di osi nikɔkpɛ. ¹³ Nkpo oso, biyɔ Yaa

akpεsaa nwu nkpo amuu bikpee ale nse dii kpile nwu nkpo lewo yi, biafuo oyila minkpe kakpe minaase kaase. Nii nni nkpo sεma yi, biafuo okple oyila osie kanya.

¹⁴ Nkpo oso bilolaa suoto biyila bieyo nwaako olaa nwu nkpo binii ɔtɔ fe ofiamε. Bieyo ɔsaabla tinini bifusa nintεε fe ntεε kubi difunsa. ¹⁵ Bielolaa suoto bieyo atoko ɔkye ole ɔlaa nwu nkpo obue kafɔɔ bikpee ninkpaa fe ntokota. ¹⁶ Diεkyakaa ni di n-ya mmle suoto yi, obe lele biyε ofu onu bikelε fele kubi difunsa. Ni bibafuo ɔyε otii Abonsam kotaa ko ɔctaa ni ku ɔtɔ kanya oniisa. ¹⁷ Bieyo Yaa didiki nwu nkpo bitukū fe kakpe lebɔɔsaa lekoto. Bieyo kafɔɔ Yaa olaa nwu nkpo ninle ni Ninwuna kame kapamii bikelε osie kanya. ¹⁸ Bita Yaa Ninwuna nwu nkpo ditɔɔkpaa ye biɛtɔɔpε olaa bitɔɔta Yaa obe lele, biɛkaale nwɔ osie kanya bile akyakaako ye. Nle mmle oso bita anu lee ate kesekese, biekpee okyiini, biɛtɔɔpε ɔlaa bitɔɔta di Yaa batii bamuu disi.

¹⁹ Bipe ɔlaa bita Yaa diisi nii kafɔɔ bile, Yaa kayo ɔlaa nɔɔ ankpee mi kaanya mbue nta batii ku sɛkambi, ndiki owofalaa wɔ ninsi ni di ɔlaa biene nwu nkpo kame kayi. ²⁰ ɔlaa biene wɔ mmle oso nle tɔkyεntε wɔ ninte ni leeyo di sɛkpenkye kame ne. Nkpo oso bipe ɔlaa diisi nii ale kafuo nwu obue ku sɛkambi fe mmle okle dikpe ni lebue nwu ni.

Paulo Lesesesa Yentele.

²¹ Obiloo bɔmbɔtε Tihiko wɔ ninle ni Saate kpεmblate biene, kamawa nfa amatɔkɔ ye fεε mmle okle nte nii, ku mmle okle di asaa kote

anfe ni di ɔkye nii ninfū. ²² Nkpo oso okpee kokpee nwɔ ɔkye lee amatoko ye mmle okle bute ni ninfū. Ankpee kafco ye ɔnyeε.

²³ Babiloo, Teete Yaa ku Saate Yesu Kristo ata ye atoko ɔkye ole ku lɛbɔmbo ku ofū onu. ²⁴ Yaa sibualɛ disieko batii ba bamuu nimborombɔ ni Saate loo Yesu Kristo ku lɛbɔmbo le ninnaa ni kase.

Yaa Kanya Ninii Føle Selεε

Selεε: Yaa Kanya Ninii Føle Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6